

Sarajevo, 02-04-2018

Broj: 0203-18177

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 0305-16368 od 23.03.2018 godine, Generalna direktorica donosi:

### **ODLUKU**

o izboru najpovoljnijeg ponuđača  
za pružanje usluga održavanja medicinskih aparata/sistema i nabavka osnovnih rezervnih  
dijelova proizvođača AGFA i TOSHIBA instaliranih na klinikama KCUS-a

#### **I**

Prihvata se prijedlog Komisije za javnu nabavku, Izvještaj br. 0305-16368 od 23.03.2018. godine po pregovaračkom postupku sa objavom obavještenja br. 893-3-1-55-3-18/18 od 01.02.2018. godine za pružanje usluga održavanja medicinskih aparata/sistema i nabavka osnovnih rezervnih dijelova proizvođača AGFA i TOSHIBA instaliranih na klinikama KCUS-a i okvirni sporazum se dodjeljuje ponuđaču MEDIT d.o.o. Sarajevo u ukupnoj vrijednosti nabavke do maksimalne vrijednosti nabavke u iznosu od 280.000,00 KM bez PDV-a (za usluge do iznosa 60.000,00 KM bez PDV-a, a za rezervne dijelove (robe) do iznosa 220.000,00 bez PDV-a), a sve prema specifikaciji materijala i rezervnih dijelova sa jediničnim cijenama po Konačnoj ponudi br. 0305-14344 od 13.03.2018.godine i dopuni konačne ponude br. 0305-14792 od 15.03.2018. godine , te specifikaciji iz izvještaja ovjerenoj od strane članova Komisije.

Cijena norma sata rada servisera za obavljanje servisa CT uređaja iznosi 120,00 KM bez PDV-a cijeli ugovoreni period.

Cijena norma sata rada servisera za obavljanje servisa ostalih uređaja iznosi 80,00KM bez PDV za cijeli ugovoreni period.

Ugovorni organ se obavezuje da će plaćanje vršiti odgođeno do 60 dana po ispostavljanom računu.

Garancija na rezervne dijelove 180 dana od dana ugradnje.

Vrijeme odziva na intervencije 24 sata od prijema poziva/zahtjeva.

Defektaža za vrijeme trajanja okvirnog sporazuma je besplatna.

Okvirni sporazum se zaključuje na period od 24 mjeseca.

#### **II**

Ova Odluka stupa na snagu danom donošenja i objaviće se na web stranici KCUS-a putem web stranice Kantona Sarajevo istovremeno sa dostavljanjem ponuđaču učesnicima postupka javne nabavke.

### **OBRAZLOŽENJE**

Na osnovu Odluke o pokretanju postupka javne nabavke br.0203-6040 od 01.02.2018. godine, sa procijenjenom vrijednošću u iznosu od 280.000,00 KM bez PDV-a (za usluge do iznosa 60.000,00 KM bez PDV-a, a za rezervne dijelove (robe) do iznosa 220.000,00 bez PDV-a), Klinički centar Univerziteta u Sarajevu je pokrenuo postupak javne nabavke putem pregovaračkog postupka sa objavom obavještenja u skladu sa članom 20. i članom 27. ZJN BiH (Sl. Glasnik 39/14).

Poziv za pregovarački postupak sa objavom obavještenja za I fazu (predkvalifikacije) objavljen na portalu e-Nabavka br. 893-3-1-55-3-18/18 od 01.02.2018. godine i preuzelo je pet ponuđača. Do krajnjeg određenog roka

za prijem ponuda, 16.02.2018 godine, dostavljena je jedna (1) ponuda i to ponuda ponuđača MEDIT d.o.o. Sarajevo.

Komisija imenovana Odlukom broj: 0203-7409 od 08.02.2018.godine pristupila je provjeri dokumentacije dostavljene uz ponudu za I fazu (predkvalifikacije) i konstatovala da je dostavljena ponuda formalno pravno i tehnički ispravna i da se uzima u dalje razmatranje.


Nadalje, na osnovu Prijedloga Komisije i Izvještaja br. 0305-9667 od 20.02.2018. godine za I fazu (predkvalifikacija) u sistemu e-nabavke unešeni su podaci da ponuđač MEDIT d.o.o. Sarajevo ispunjava uslove predkvalifikacija i u skladu sa navedenim dana 21.02.2018.godine objavljen je poziv ponuđaču MEDIT d.o.o. Sarajevo za dostavljanje ponude za II fazu pregovaranja (Inicijalnu ponudu) . U skladu sa Pozivom za dostavljanje inicijalne ponude ponuđač MEDIT d.o.o. Sarajevo je dana 27.02.2018.godine na glavni Protokol KCUS-a dostavio ponudu. Komisija je konstatovala da su dostavljeni svi elementi ponude u skladu sa pozivom i da se može pristupiti pregovaranju.

Na prijedlog Komisije da se učini ustupak u finansijskom smislu, odnosno da ponudu učini povoljnijom, predstavnik ponuđača je pojasnio da je dostavljena ponuda konačna i za rezervne dijelove i za usluge (Izvještaj komisije br.0305-12992 od 06.03.2018. godine).

Na osnovu usaglašenih stavova kroz sistem e-Nabavke upućen je poziv za dostavljanje Konačne ponude dana 08.03.2018. godine Ponuđač je u datom vremenskom roku na glavni Protokol KCUS-a dostavio konačnu ponudu koja je protokolirana pod br. 0305-14344 od 13.03.2018.godine i dopunu konačne ponude br. 0305-14792 od 15.03.2018. godine.

Izvještajem br. 0305-16368 od 23.03.2018 godine Komisija predlaže da se Okvirni sporazum za pružanje usluga održavanja medicinskih aparata/sistema i nabavka osnovnih rezervnih dijelova proizvođača AGFA i TOSHIBA instaliranih na klinikama KCUS-a zaključi sa ekskluzivnim serviserom MEDIT d.o.o. Sarajevo za predmetne usluge i rezerve dijelove, sa elementima okvirnog sporazuma usaglašenim u toku pregovaračkog postupka, a na osnovu dostavljene konačne ponude br. 0305-14344 od 13.03.2018.godine i dopune konačne ponude br. 0305-14792 od 15.03.2018. godine.

Uzimajući u obzir naprijed navedeno, odlučeno je kao u dispozitivu ove Odluke



GENERALNA DIREKTORICA

Prof.dr. Sebiya Izetbegović

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđaču;
- a/a